

**নিয়োগ বিজ্ঞপ্তি**

অভ্যন্তরীণ সম্পদ বিভাগের পত্র নং-০৮.০০.০০০০.০৩৭.১১.০২৯.১৭-১৮৫/১(৬) তারিখ-১৩/০৪/২০১৭ খ্রিঃ অনুযায়ী শূন্য পদ পূরণে ছাড়পত্র প্রদানের প্রেক্ষিতে কর অঞ্চল-রাজশাহী'র অধীনে নিম্নে বর্ণিত শূন্য পদ সমূহে অস্থায়ী ভিত্তিতে নিয়োগের নিমিত্তে কর অঞ্চল-রাজশাহী'র অধিক্ষেত্রাধীন জেলা সমূহের (রাজশাহী, নওগাঁ, নবাবগঞ্জ, নাটোর, পাবনা) স্থায়ী বাসিন্দা/নাগরিকগণের নিকট হতে নিম্নলিখিত শর্তে জনপ্রশাসন মন্ত্রণালয় কর্তৃক প্রবর্তিত নির্ধারিত ছকে স্ব-হস্তে লিখিত দরখাস্ত আহ্বান করা যাচ্ছে।

ক্রঃ	পদের নাম	শূন্য পদের সংখ্যা	বেতন স্কেল	শিক্ষাগত যোগ্যতা	যে সকল জেলার বাসিন্দা/নাগরিকগণ আবেদন করতে পারবেন।
১।	সাঁটলিপিকার কাম কম্পিউটার অপারেটর	০১ (এক)	১১০০০-২৬৫৯০	কোন স্বীকৃত শিক্ষা বোর্ড হতে এইচ.এস.সি বা সমমানের পরীক্ষায় উত্তীর্ণ। প্রতি মিনিটে সাঁটলিপিতে গতি বাংলায় ৫০ ও ইংরেজিতে ৮০ শব্দ। কম্পিউটার ব্যবহার সংক্রান্ত ওয়ার্ড প্রসেসিং, ডাটা এন্ট্রি ও টাইপিং ইত্যাদির গতি সর্বনিম্ন গতি প্রতি মিনিটে বাংলায় ২৫ ও ইংরেজিতে ৩০ শব্দ।	চাঁপাইনবাবগঞ্জ ও নাটোর
২।	উচ্চমান সহকারী	০১ (এক)	১০২০০-২৪৬৮০	কোন স্বীকৃত বিশ্ববিদ্যালয় হতে স্নাতক বা সমমানের ডিগ্রী এবং কম্পিউটার বেসিক কোর্সে উত্তীর্ণ।	নওগাঁ, চাঁপাইনবাবগঞ্জ ও নাটোর
৩।	সাঁট-মুদ্রাক্ষরিক কাম কম্পিউটার অপারেটর	০৬ (ছয়)	১০২০০-২৪৬৮০	কোন স্বীকৃত শিক্ষা বোর্ড হতে এইচ.এস.সি বা সমমানের পরীক্ষায় উত্তীর্ণ। প্রতি মিনিটে সাঁটলিপি লিখনে গতি বাংলায় ৪৫ ও ইংরেজিতে ৭০। কম্পিউটার ব্যবহার সংক্রান্ত ওয়ার্ড প্রসেসিং, ডাটা এন্ট্রি ও টাইপিং ইত্যাদির সর্বনিম্ন গতি প্রতি মিনিটে বাংলায় ২৫ ও ইংরেজিতে ৩০ শব্দ।	নওগাঁ, চাঁপাইনবাবগঞ্জ, নাটোর ও পাবনা জেলা
৪।	অফিস সহকারী কাম কম্পিউটার মুদ্রাক্ষরিক	০৪ (চার)	৯৩০০-২২৪৯০	এইচ.এস.সি বা সমমানের পরীক্ষায় উত্তীর্ণ। প্রতি মিনিটে কম্পিউটার টাইপিং গতি ইংরেজিতে ২০ ও বাংলায় ২০ শব্দ।	নওগাঁ, নাটোর ও পাবনা জেলা
৫।	অফিস সহায়ক	০৪ (চার)	৮২৫০-২০০১০	এস.এস.সি বা সমমানের পরীক্ষায় উত্তীর্ণ	চাঁপাইনবাবগঞ্জ, নাটোর ও পাবনা জেলা
৬।	নোটিশ সার্চার	০২ (দুই)	৮২৫০-২০০১০	এস.এস.সি বা সমমানের পরীক্ষায় উত্তীর্ণ	নাটোর ও পাবনা
৭।	নিরাপত্তা প্রহরী	০১ (এক)	৮২৫০-২০০১০	এস.এস.সি বা সমমানের পরীক্ষায় উত্তীর্ণ ও সুস্বাস্থ্যের অধিকারী	নওগাঁ ও নাটোর

**আবেদন করার শর্তাবলী:**

- স্বহস্তে পূরণকৃত জনপ্রশাসন মন্ত্রণালয় কর্তৃক নির্ধারিত 'চাকুরীর আবেদন ফরম' ('চাকুরীর আবেদন ফরম' [www.taxeszonerajshahi.gov.bd](http://www.taxeszonerajshahi.gov.bd) ওয়েব পেজ হতে ডাউনলোড করা যাবে) আগামী ১১.০৫.২০১৭ খ্রিঃ তারিখের মধ্যে কর কমিশনার, কর অঞ্চল-রাজশাহী, কর ভবন, হেলেনাবাদ, রাজশাহী বরাবর অফিস চলাকালীন সময়ের মধ্যে সাধারণ ডাকযোগে অথবা অফিসে সংরক্ষিত বাঞ্চে পৌঁছাতে হবে।
- সকল শিক্ষাগত যোগ্যতার সনদপত্রের সত্যায়িত কপি, সম্প্রতি তোলা পাসপোর্ট আকারের ৩ (তিন) কপি সত্যায়িত রঙিন ছবি, জাতীয় পরিচয় পত্রের/জন্ম নিবন্ধন সনদের সত্যায়িত অনুলিপি, প্রথম শ্রেণীর গেজেটেড কর্মকর্তার নিকট হতে চারিত্রিক সনদপত্র এবং ইউনিয়ন পরিষদের চেয়ারম্যান/পৌরসভার মেয়র এর নিকট হতে নামাঙ্কিত সীলমোহরসহ স্বাক্ষরিত নিজ জেলা ও নাগরিকত্বের সনদপত্র আবেদনপত্রের সাথে দাখিল করতে হবে।
- সাঁটলিপিকার কাম কম্পিউটার অপারেটর এবং সাঁটমুদ্রাক্ষরিক-কাম কম্পিউটার অপারেটর পদের জন্য সরকার অনুমোদিত/স্বীকৃত প্রতিষ্ঠান হতে সাঁটলিপি গতি ও কম্পিউটার টাইপিং এর গতি এবং অফিস সহকারী কাম কম্পিউটার মুদ্রাক্ষরিক পদের জন্য সরকার অনুমোদিত/স্বীকৃত প্রতিষ্ঠান হতে কম্পিউটার টাইপিং এর গতি সংক্রান্ত সনদের সত্যায়িত কপি দাখিল করতে হবে।
- আবেদনকারীর নাম ও পত্র যোগাযোগের ঠিকানা (বর্তমান ঠিকানা) লেখা সম্বলিত অব্যবহৃত ১০ (দশ) টাকার ডাকটিকেট সংযুক্ত ৯.৫" x ৪.৫" ইঞ্চি মাপের একটি খাম আবেদনপত্রের সাথে সংযুক্ত করতে হবে।
- সকল পদের ক্ষেত্রেই আবেদনকারীর বয়স ০১/০৪/২০১৭ খ্রিঃ তারিখে ১৮ হতে ৩০ বৎসরের মধ্যে হতে হবে। এতিম/প্রতিবন্ধী/ মুক্তিযোদ্ধা/শহীদ মুক্তিযোদ্ধার সন্তান/সন্তানগণের ক্ষেত্রে সর্বোচ্চ বয়সসীমা ৩২ বৎসর। মুক্তিযোদ্ধা/শহীদ মুক্তিযোদ্ধার নাতি/নাতনীর ক্ষেত্রে আবেদনকারীর বয়স সীমা সর্বোচ্চ ৩০ বৎসর। বয়সের ক্ষেত্রে কোন এফিডেভিট গ্রহণযোগ্য হবে না।
- প্রার্থী মুক্তিযোদ্ধা/শহীদ মুক্তিযোদ্ধার পুত্র/ কন্যা/ নাতি/নাতনী হলে আবেদন পত্রে তা স্পষ্টভাবে উল্লেখ করতে হবে। সকল ক্ষেত্রে মুক্তিযোদ্ধা বিষয়ক মন্ত্রণালয় কর্তৃক অনুমোদিত সনদপত্রের সত্যায়িত ফটোকপি অবশ্যই আবেদনপত্রের সাথে সংযুক্ত করতে হবে। উল্লেখ্য যে, আবেদনকারী মুক্তিযোদ্ধা/শহীদ মুক্তিযোদ্ধার নাতি/নাতনী হলে আবেদনকারী যে মুক্তিযোদ্ধা/শহীদ মুক্তিযোদ্ধার নাতি/নাতনী এই মর্মে সংশ্লিষ্ট ইউনিয়ন পরিষদের চেয়ারম্যান/সিটি কর্পোরেশন এর ওয়ার্ড কাউন্সিলর/ পৌরসভা মেয়র কর্তৃক প্রদত্ত সার্টিফিকেট আবেদনপত্রের সাথে সংযুক্ত করতে হবে।
- মহিলা, এতিমখানা নিবাসী, শারীরিক প্রতিবন্ধী, আনসার ও গ্রাম প্রতিরক্ষা বাহিনীর সদস্য, উপজাতি প্রার্থীদের কোটা ও বয়স সরকারী নীতিমালা অনুযায়ী সংরক্ষণ করা হবে। এ সকল প্রার্থীকে সরকারের সর্বশেষ নীতিমালা অনুযায়ী যথাযথ কর্তৃপক্ষের সার্টিফিকেটসহ আবেদনপত্র দাখিল করতে হবে। এই সংক্রান্ত কোন সার্টিফিকেট পরবর্তীতে বিবেচনায় আনা হবে না।
- নিয়োগের ব্যাপারে সরকারী বিধি/নির্দেশ মোতাবেক সকল প্রকার কোটা নীতি অনুসরণ করা হবে।
- উল্লেখিত ৭টি পদে রাজশাহী, নওগাঁ, চাঁপাইনবাবগঞ্জ, নাটোর ও পাবনা জেলার এতিম/প্রতিবন্ধী/ মুক্তিযোদ্ধা/শহীদ মুক্তিযোদ্ধার সন্তান কোটার প্রার্থীগণ আবেদন করতে পারবেন।
- সরকারী/আধা-সরকারী/স্বায়ত্বশাসিত সংস্থায় কর্মরত প্রার্থীদের স্ব-স্ব কর্তৃপক্ষের মাধ্যমে আবেদন করতে হবে।
- আবেদনপত্রের খামের উপর পদের নাম ও আবেদনকারীর নিজ জেলার নাম স্পষ্টাক্ষরে লিখতে হবে।
- আবেদনপত্রে নিজ জেলা সম্পর্কে ভুল তথ্য পরিবেশন করা হলে এবং প্রদত্ত কোন প্রমানাদি অসত্য বলে প্রমানিত হলে সংশ্লিষ্ট প্রার্থীর নিয়োগ বাতিলসহ আইনানুগ ব্যবস্থা গ্রহণ করা হবে।
- আবেদনপত্রের সাথে উপ কর কমিশনার, সদর দপ্তর (প্রশাসন), কর অঞ্চল-রাজশাহী'র বরাবরে কোড নং-১-১১৪১-০০৬০-২০৩১ উল্লেখ পূর্বক ক্রমিক নং ১,২,৩,৪ পর্যন্ত পদে আবেদনকারী প্রার্থীদের ক্ষেত্রে ১০০/- (একশত) টাকা এবং ক্রমিক নং ৫,৬ ও ৭ পদে আবেদনকারী প্রার্থীদের ক্ষেত্রে ৫০/- (পঞ্চাশ) টাকা ট্রেজারী চালানের মাধ্যমে জমা পূর্বক চালানের মূল কপি আবেদন পত্রের সাথে সংযুক্ত করতে হবে।
- লিখিত/মৌখিক/ব্যবহারিক পরীক্ষায় অংশগ্রহণের জন্য প্রার্থীদের কোন প্রকার টিএ/ডিএ প্রদান করা হবে না।
- যোগ্য প্রার্থীদেরকে পরীক্ষা অনুষ্ঠানের স্থান, তারিখ ও সময়সূচী আবেদনপত্রে প্রদত্ত বর্তমান ঠিকানায় যথাসময়ে ডাকযোগে পাঠানো হবে।
- অসম্পূর্ণ, ত্রুটিপূর্ণ এবং বিলম্বে প্রাপ্ত আবেদনপত্র সরাসরি বাতিল বলে গণ্য হবে। এই বিজ্ঞপ্তি আংশিক বা সম্পূর্ণ সংশোধন/বাতিল করার ক্ষমতা কর্তৃপক্ষ সংরক্ষণ করেন।
- উপরে উল্লেখ করা হয় নি এমন ক্ষেত্রে জনপ্রশাসন মন্ত্রণালয় কর্তৃক জারীকৃত বিধি-বিধান প্রযোজ্য হবে।

(মোঃ কাওসার আলী)

উপ কর কমিশনার

সদর দপ্তর (প্রশাসন)

কর অঞ্চল-রাজশাহী

ফোনঃ ০৭২১-৭৭৫৭৯৭।